

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Epistolarvm [epistolarum] D. Philippi Melanchthonis Farrago

Melanchthon, Philipp

Basileae, 1565

VD16 -M3220

Magnificis et amplissimis uiris, eruditione et omni uirtutum choro
praestantib. D. Christophoro Ionaë, iuris utriusq; doctori, D. Thomae
Matthiae, D. Christophoro Meienbvrgerom consiliarijs [...]

[urn:nbn:de:bsz:31-312770](https://nbn-resolving.org/urn:nbn:de:bsz:31-312770)

MAGNIFICIS ET AMPLISSIS
mis uiris, eruditione et omni uirtutum choro præ-
stantib. D. CHRISTOPHORO IONAE,
Iuris utriusq; doctori, D. THOMAE MAT-
THIAE, D. CHRISTOPHORO ME-
IENBURGERO, consiliarijs illustrissimorū
Principum, Electoris Brandenburgensis, & Du-
cum Borruſiæ, Marchionū Brandenburgē-
ſium, &c. fidelissimis, fautoribus
& patronis suis perpetuo
colendis, S. D.



Si de multis circum-
stantijs, magnifici & do-
ctissimi uiri, quas breui-
tatis causa hoc in loco
omittimus, lectorē hu-
ius sequentis nostri instituti com-
monefaciēdum putamus: tamen ne
illud à quibusdā aliter atq; uolumus
accipiatur, pauca quædā de his præ-
mittenda censemus. Si qui uerò plu-
ra cognoscere desiderāt, remittimus
eos ad posteriorem partem, in qua
reliqua satis abundē & copiosē de-
clarabuntur,

• 2

Sciat

PRAEFATIO.

Sciat igitur Lector, nos quasdam Epistolas à diuersis manibus, interdum quoq; ex autographis subito scriptas mutilatè & mendosè inuenisse, quæ propter eruditæ ac utiles iunioribus adhortationes, aut alias insignes doctrinas in illis comprehensas, non omnino abiiciendæ fuerunt. Huic etiam nostro iudicio adstipulantur plurimi honesti & docti uiri, quibus idem consultum uidetur, ne mutilata uel uitiosa loca, ubi ambiguitas maius tædium quàm utilitatem aliquam legentibus adferret, hic infereremus. Idem in paucis à nobis obseruatum esse, ipsi autographorum possessores testabuntur. Siqui uerò hac in parte, alijsq; sequentibus, plura uidebunt & intelligent quàm nos: hos amanter rogatos uolumus, ne nobis suo fidelissimo consilio deesse uelint. Sed hoc tempore, proh dolor, multo plures reprehensores, quàm fideles adiutores aut fautores cum

PRAEFATIO.

cum publicorum, tum priuatorum laborum inueniri & existere experimur, qui meliorem partem semper uincere student, sibiq; tantum professe uolunt. Deinde huic libello adiecimus multas epistolas clarorum & doctorum uirorum, ubi certa eorundem nomina curiosè inquirere non licuit. At si quidam se offerrent, qui haec aliaq; similia à nobis bono animo & studio collecta, & ab honestissimis ac optimis uiris recepta improbarent, ac uarijs artibus nos oppugnare pergerent (quia nullus est cauillationum finis) horum consilij (si nos prius docuerint, quid correctione in his materijs indigeat, idq; quatione commodissimè corrigendum sit, ne ipsorum consilium à quoquam euertatur & reijciatur) obtinere decreuimus: non aliter quam ut milites tubam & consilia ducum, iuxta quae acies oppugnationesq; instruuntur atq; diriguntur, sequi consueuerunt.

PRAEFATIO.

De meis autē studijs in hoc Opusculo susceptis, nihil aliud dicere uolo, quàm quòd mihi à multis præclaris uiris persuasum sit, qui hactenus gustum harum materiarum percepunt, & nunc propter iuuentutis commodum & utilitatem euulgari exoptarunt, meam operam non inutiliter collocatum iri.

In eorū numero, magnifici & doctissimi uiri, uos quoq; esse, & mirū in modum uobis priores meos labores placuisse, & hunc non minus placiturum, à quibusdam honestis & eruditis uiris mihi significatur.

Quapropter, magnifici patroni, fretus uestra beneuolentia, & singulari erga me adfectu, has sequentes materias sub uestro nomine publice constitui, cum maximis & ferè innumerabilib. beneficijs à uobis sim adfectus, postquam in harum materiarum collectione apud uos uersarer. Hinc enim si qui emolumēta aut fructus

PRAEFATIO:

fructus perceperint, meritò uobis gratias dignas absque dubio agent, summisq; laudibus piam, Deoq; & Ecclesiæ gratam uoluntatem uestrā in promouēdis studijs extollent, ne illa quæ hactenus à multis desiderata sunt interirent, aut unus atq; alter tantū neglecto Ecclesiæ & Reipublicæ commodo uteretur. Postremò, ut M. V. hūc libellum eo animo, quo priorem solet, amplecti non de dignetur, suaq; autoritate aduersus maleuolorum morsus defendere & tueri uelit, & me meosq; commendatum habeat, maximopere precor. Bene & foeliciter ualete. Datæ Lipsiæ, anno Salutis humanæ 1564. quarto nonis Augusti: quo die, ante annos trigintaseptem, serenissimus & potentissimus princeps ac dominus D. Maximilianus secundus, Romanorum, Hungarorum & Bohemorū Rex, &c. Viennæ nascitur. Eodem etiam die, ante annos quadraginta

PRAEFATIO.

quatuor, natus est serenissimus &
potentissimus Princeps ac dominus
D. Sigismundus Augustus, Rex
Poloniae, &c. Quorum, ut & aliorum
bonorum magistratum gubernatio,
felix sit, tranquilla & salutaris: id
quod omnes pii mecum preca-
ri uelint ex animo, De-
um precor.